

PARLAMENT FEDERACIJE  
SARAJEVO

Primljeno	18-04-2022
Org. jed.	05/11-02-463/21
Vrijednost	

Broj: 01-04/03-288/2022  
Sarajevo, 14.04.2022. godine

**VLADA FEDERACIJE BOSNE I HERCEGOVINE**  
**GENERALNI SEKRETARIJAT**  
N/r Sekretara

**PARLAMENT FEDERACIJE BOSNE I HERCEGOVINE**  
**PREDSTAVNIČKI/ ZASTUPNIČKI DOM**  
N/r sekretara

**Gosp. ADIS ARAPOVIĆ**  
Poslanik u Predstavničkom domu Parlamenta Federacije BiH

**Predmet: Odgovor na poslaničko pitanje, dostavlja se,-**

**Veza: Vaš akt broj: 03-04-767/2021 od 09.02.2022. godine**

Poštovani,

Federalno ministarstvo poljoprivrede, vodoprivrede i šumarstva zaprimilo je Vašu urgenciju za dostavljanje odgovora na poslaničko pitanje Adisa Arapovića, poslanika u Predstavničkom domu Parlamenta Federacije Bosne i Hercegovine u kojem su zatraženi pregledi neto plata i koeficijenaata svih direktora/rukovodilaca organa uprave, institucija i preduzeća u većinskom vlasništvu Federacije BiH, upit da li Vlada FBiH/Premijer daje saglasnost na visinu plata svim direktorima/rukovodiocima organa uprave, institucija i preduzeća u većinskom vlasništvu Federacije BiH te upit za informaciju koliko su i kojim direktorima/rukovodiocima umanjene neto plate/koeficijenti tokom 2020. i 2021. prve godine, a kojima su isti povećani?

Shodno navedeno, u nastavku dostavljamo podatke kojima raspolažemo.

U skladu sa Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije BiH“ br. 20/16, 3/17, 9/17, 69/17 i 96/17), na Listi privrednih društava u kojima Vlada Federacije vrši ovlaštenja na osnovu državnog kapitala iz nadležnosti Federacije Bosne i Hercegovine, nalaze se JP „Bosanskohercegovačke šume“ Sarajevo, JP „Šume Herceg Bosne“ d.o.o. Mostar, „Fabrika duhana Mostar“ DD Mostar i „Agrokomerc“ DD Velika Kladuša.

Zakonom o vodama čl. 152. („Službene novine Federacije BiH“, br. 70/06) osnovane su agencije za vodna područja radi provođenja zadataka upravljanja vodama koji se ovim Zakonom i propisima donesenim na osnovu ovog Zakona stavljaju u njihovu

nadležnost, a to su: "Agencija za vodno područje rijeke Save" (AVP Sava) i "Agencija za vodno područje Jadranskog mora" (AVP Jadransko more).

Agencijom za vodno područje rijeke Save i Agencijom za vodno područje Jadranskog mora upravljaju upravni odbori koje imenuje i razrješava Vlada Federacije BiH na prijedlog Federalnog ministarstva poljoprivrede, vodoprivrede i šumarstva, a na osnovu provedenih javnih konkursa. Agencijama rukovode direktori.

U sastavu Federalnog ministarstva poljoprivrede, vodoprivrede i šumarstva nalazi se Federalna uprava za šumarstvo. Plata direktora Federalne uprave za šumarstvo je 1.716 KM (koeficijent je 5,2 a osnovica 330 KM) te se ista u 2020. i 2021. godini nije mijenjala.

Privredno društvo Agrokomerc d.d. Velika Kladuša, dostavilo je odgovor Sekretaru Vlade FBiH redovnom i e-poštom 21.12.2021. godine a isti je zaprimljen 23.12.2021. godine na protokolu Ureda Vlade FBiH pod brojem 03-04-767/2021.

JP „Bosanskohercegovačke šume“ Sarajevo je osnovano od strane Republike Bosne i Hercegovine (pravni sljednik osnivača je Bosna i Hercegovina), a čije poslovanje se ne može uskladiti sa odredbama Zakona o javnim preduzećima FBiH i Zakona o privrednim društvima FBiH.

JP „Šume Herceg Bosne“ d.o.o. Mostar već duži period ne obavlja djelatnost radi koje je osnovano, a samim tim ne ostvaruje ni prihode. Ovlašteni organi društva su u aprilu 2016. godine podnijeli zahtjev za otvaranje stečajnog postupka, koji je Rješenjem Općinskog suda u Mostaru br. 58 0 St 175897 16 St od 14.02.2017. godine otvoren, te se ovo privredno društvo nalazi u stečajnom postupku.

„Fabrika duhana Mostar“ DD Mostar je više od 20 godina neaktivna.

S poštovanjem,



**MINISTAR**  
mr. sci Šemsudin Dedić

**Dostaviti:**

1. Sekreterijat Vlade Federacije Bosne i Hercegovine, Ul. Hamdije Čemerlića br. 2, 71000 Sarajevo;
2. Predstavnički/Zastupnički dom Parlamenta Federacije Bosne i Hercegovine, Ul. Hamdije Kreševljakovića br. 3, 71000 Sarajevo;
3. Adis Arapović, zastupnik u Predstavničkom/Zastupničkom domu Parlamenta Federacije Bosne i Hercegovine, Ul. Hamdije Kreševljakovića br. 3, 71000 Sarajevo;
4. a/a.